

Morning Regional Dogri News Bulletin, 29th March 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. जम्मू श्रीनगर राश्ट्रीय जरनैली शिड़कै पर इक कैब दे बैटरी चश्मे कश डूंहगे नाले च पौने करी केइएं दे मरोने दा खदशा ऐ।
2. सुचेतगढ़ बार्डर पोस्ट पर स्वीप तैहत मतदाता जागरूकता अभियान चलाया गेआ।
3. जम्मू कश्मीर स्कूली शिक्षा बोर्ड नै सालाना मतेयान 2024 लेई संशोधित डेटशील जारी कीती ऐ।
4. उधमपुर च जिला सतह दी NCORD कमेटी नै नशीली दुआइएं दी रोक दा जायजा लैता।

<><><><><><>

Accident Ramban

अज्ज बडलै सवेला जम्मू श्रीनगर राश्ट्रीय जरनैली शिड़कै पर श्रीनगर थमां जम्मू आवा'रदी इक मुसाफर कैब दे शिड़कै परां रूलकियै इक डूंहगे नाले च पौने करी केइएं यात्रुएं दे मरोने दा खदशा ऐ। एह हादसा रामबन इलाके च बैटरी चश्मा थाहर पेश आया। आकाशवाणी जम्मू दे संवाददाता मूजब स्थानीय प्रशासन रामबन पुलस, एसडीआरएफ ते क्यूआरटी नै फौरन मौका ए वारदात पर जाइयै बचाह अभियान चलाए दा ऐ। बरखा ते मुश्कल रस्ते करी अजे तक्कर बचाह अभियान च बड़ी औख आवा'रदी ऐ। होर ब्योरे दा इंतजार ऐ।

<><><><><><>

Sweep-Suchetgarh

कल सुचेतगढ़ बार्डर पोस्ट च स्वीप तैहत मतदान जागरूकता मुहिम दा आयोजन कीता गेआ। आकाशवाणी जम्मू दे संवाददाता दी रिपोर्ट मूजब एह आयोजन इक चित्रकारी प्रतियोगिता कन्नै शुरू होआ जेहदा उद्घाटन असिस्टेंट कमीशनर जम्मू डॉ. विकास शर्मा होरें कीता जेहड़े स्वीप दे नोडल अधिकारी बी ऐन। पोस्टरें ते तख्तिएं राएं नागरिकें दे वोट पाने दे अधिकार दी महत्ता गी बांदै कीता गेआ। इस प्रोग्राम च स्थानीय कलाकारें, पारम्परिक लोक गीतें राएं लोकें गी मतदान दी महत्ता दस्सी। इस मौके पर बोलदे होई डॉ. विकास शर्मा होरें मतदान दी महत्ता, मतदान लेई पंजीकरण ते मती गिनतरी च आइयै मतदान करने लेई प्रेरित कीता।



Returning Officer-Udhampur

4 उधमपुर संसदीय हल्के दे रिटर्निंग अफसर डॉ. राकेश मिन्हास होरें औंदे 18में संसदीय चुनाएं लेई मेदवारें आस्सेआ भरे गेदे नामांकन पत्रें दी जांच कीती। एह प्रक्रिया कल उधमपुर दे डीसी दफतरै च हल्के दे रिटर्निंग अफसर हुंदे कार्यालय च तोड़ चाढ़ी गई। जांच मगरा जिनें 12एं मेदवारें दे नामांकन पत्र वैध पाए गे, ओह न बहुजन समाज पार्टी दे अमित कुमार, जम्मू कश्मीर नैशनल पैथर्स पार्टी दे बलवान सिंह, भारती जनता पार्टी दे डॉ. जितेन्द्र सिंह, भारती राष्ट्रीय कांग्रेस दे चौधरी लाल सिंह। एकम भारत सनातन दल दे मनोज कुमार ते आजाद मेदवारें डॉ. पंकज शर्मा, राजेश मनचंदा, सचिन गुप्ता, स्वर्ण वीर सिंह जराल, गुलाम मोहम्मद सरूरी, मोहम्मद अली गुज्जर ते मेहराज दीन। नामांकन पत्रें दी जांच 4-उधमपुर चुनां हल्के दे निगरान धीरज कुमार, चुनां लड़ा'रदे मेदवारें ते सियासी पार्टिएं दे नुमायंदे दी मजूदगी च कीती गई। जारी विज्ञप्ति मूजब मेदवार 30 तरीक तोड़ी दपैहरी मगरा 3 बजे तक्कर अपने नामांकन परताई सकदे न। 4-उधमपुर चुनां हल्के च औंदी 19 अप्रैल गी आम चुनाएं दे पैहले मरहले तैह्त चुनां करोआए जाने न।



Exam Dates

जम्मू कश्मीर स्कूली शिक्षा बोर्ड नै साफ्ट जोन च 11मीं ते हार्ड जोन च 10मीं, 11मीं ते 12मीं दे बोर्ड मतेयानें दे समें ते तरीकें च फेरबदल कीता ऐ। एह फैसला लोकसभा चुनाएं ते नैशनल टेस्टिंग अजेंसी एनटीए आस्सेआ आयोजित कीती जाने आली जे.ई.ई_मेन्स परीक्षा गी ध्यानै च रखदे होई लैता गेआ ऐ। बोर्ड नै संशोधित डेटशीट जारी करी दित्ती ऐ। चुनाएं गी ध्यानै च रखदे होई बोर्ड नै बडलै ते संजा दऊं सत्रें च मतेयान लैने दा फैसला कीता ऐ। 12मीं जमातै दे मतेयान दपैहरी मगरा 2 बजे थमां जिसलै के 10मीं ते 11मीं दे मतेयान बडलै 10 बजे शुरू होंगन। मती जानकारी बोर्ड दी वैबसाईट परां लैती जाई सकदी ऐ।



School Fee

जम्मू कश्मीर च 2024-25 आले नमें शैक्षणिक सत्र च बिजन इजाजत फीस बधाने आले स्कूलें गी इक लक्ख रपे तक्कर दा जुर्माना भरना होग। उंदा पंजीकरण बी रद्द कीता जाई सकदा ऐ। स्कूली शिक्षा निदेशालय जम्मू नै जंदे रोज इत्त सरबंधै च इक निर्देश जारी कीता। निर्देश च निजि स्कूलें गी सख्त हिदायत जारी कीती गेदी ऐ जे कुसै बी स्कूलै गी फीस बधाने लेई फीस तैह करने आली समिति थमां इजाजत लैनी होग। एहदी खलाफवर्जी करने पर 50 ज्हार थमां 1 लक्ख रपें तक्कर दा जुर्माना भरना होग। इस निर्देश च आक्खेआ

गेदा ऐ जे स्कूल बच्चें दे माता-पिता गी कुसै इक हट्टी थमां वर्दी ते कताबां खरीदने पर मजबूर नेई करी सकदे। निदेशालय नै आक्खेआ जे बच्चें दे माता-पिता इस किस्म दियां शकैतां विभाग तक्कर पजान।

<><><><><><>

Udhampur-NCORD

जिला सतह दे नशीले पद्धार्थे दी रोकथाम सरबन्धी केन्द्र कमेटी नै जिला उधमपुर च नशीले पद्धार्थे दे रोकथाम सरबन्धी उपाएं दा अतिरिक्त उपायुक्त जोगिंदर सिंह जसरोटिया होरें बैठक दी अध्यक्षता करदे होई जायजा लैता। बैठका दा मकसद इस कबैतु खलाफ सोच बचार आली रणनीति ते पिछले निर्देशों दी अमलावरी ते कन्नै गै जिले च नजैज नशीले पवर्थे दे कारोबार दी रोकथाम तांई रणनीति बनाने दा हा। बक्ख-बक्खउप्पर व्यापक चर्चा कीती गई जिस च नशाखोरी दे मामले, इस गैर कनूनी कारोबार च मुलव्वस लोकें दा पता लाना, एहदी खेती करना, नशाखोरी थमां मुक्ती पाने लेई नोजवानें दी मदद करना ते होरने चीजां शामिल हियां। एडीसी होरें मुत्तलका अफसरें गी निर्देश उप्पर व्यापक कीती दी कारवाई दी रिपोर्ट देने दे बारे आक्खेआ। उनें मैडिकल आलिएं दुकानें उप्पर सीसीटीवी कैमरा लाने उप्पर बी जोर भरेआ।

<><><><><><>

Jammu Lok Sabha

जम्मू लोकसभा हल्के लेई नामांकन भरने दे पैहले ध्याड़े दऊं मेदवारें अपने नामांकन पत्र भरे। आकाशवाणी जम्मू संवाददाता दी रिपोर्ट मूजब जम्मू कश्मीर हल्के च दुए गेड़ दे चुनां 26 अप्रैल गी होग। मेदवारें च बीएसपी दे दौनें मेदवार च जिंदा ना जगदीश राज ते चरणजीत चरगोत्रा न, होरें नामजदगी पत्र रिटर्निंग अफसर उंदे दफतरा च भरे। नामांकन पत्र भरने दी खीरी तरीक 4 अप्रैल 2024 गी दपैहरी 3 बजे तोड़ी होग। जिल्ले के नामांकन पत्रें दी जांच 6 अप्रैल गी होग। मेदवार अपने नां 8 अप्रैल तोड़ी वापस परताई सकदे न।

<><><><><><>

VVPAT Ramban

रामबन दे चुनां विभाग नै पादर्शी तरीके नै चुनां जकीनी कराने बक्खी इक खास गैह पुट्टी ऐ। औंदे लोकसभा चुनाएं दे इक हिस्से दी तैआरिएं दे तौरा पर जिला रामबन दे आंगनवाड़ी कर्मिएं लेई ईवीएम ते वीवीपीएटी उप्पर इक व्यापक सिखलाई कार्यक्रम आयोजित कराया गेआ। इस सिखलाई दा मकसद आंगनवाड़ी कर्मिएं गी कुशल बनाना ते मतदाताएं गी मतदान बेल्लै जागरूक कराना ऐ। इयै नेई, पैहले राएं विभाग सब्बै नागरिकें लेई पादर्शी, समावेशी ते बिजन कुसै रूकावट दे मतदान अनुभव जकीनी बनाना ऐ।

<><><><><><>

Kathua Cash

चुनां आचार संहिता दे लागू होने दे बाद समूलचे जिला कठुआ च कम्म करा'रदियां मती हारिएं प्रवर्तन टीमें कोई 29 लक्ख 51 ज्हार 630 रपे दे मुल्ले दी नकदी ते शराब जब्त कीती ऐ। सौहगी प्रवर्तन टीमें चुनां प्रक्रिया गी साफ सुथरा रखने ताई अपनी वचनबद्धता फही पक्की कीती ऐ। एह गल्ल कठुआ दे जिला चुनां अफसर होरें आक्खी जेहड़े जे 4-उधमपुर दे चुनां केन्द्र दे रिटर्निंग अफसर बी ऐन। उनें आक्खेआ जे अस आचार संहिता दी खलाफवर्जी गी रोकने ताई वचने बज्जे दे आं। प्रशासन नै नागरिकें गी सौहगा रौहने लेई आक्खेआ ऐ ते कुसै बी शक्क-शुबे आली गतिविधि जां चुनां संहिता दी खलाफवर्जी ताई मुत्तलका प्राधिकरणें गी रिपोर्ट करने गी गुजारश कीती ऐ।

<><><><><><>

Indore Stadium

भगवती नगर दे इंडोर स्पोर्टस परिसर च जारी खेलो इंडिया राष्ट्रीय महिला वुशू लीग च केई उभरदी खडारी मकाबला करा'रदियां न। लीग 26 मार्च गी शुरू होई ही जेहड़ी जे 31 मार्च गी खत्म होग। एहदे च 4 सौ 64 महिला वुशू एथलीट सब-जुनियर नैशनल ते जुनियर नैशनल श्रेणिएं च अपने कौशल दा प्रदर्शन करा'रदियां न। वुशू लीग गी खेल विभाग, युवा मामले ते खेड्ड मंत्रालय आस्सेआ रलियै कराया गेआ ऐ। लीग गी चलाने आस्तै 39.05 लक्ख रपे दी रकम मजूद कीती गई ऐ। जेत्तुएं गी 21 लक्ख 75 ज्हार रपे दे पुरस्कार दित्ते जांगन।

<><><><><><>

IPL

आईपीएल क्रिकेट च राजस्थान रॉयल नै कल रातीं जयपुर दे स्वाई मान सिंह स्टेडियम च दिल्ली कैपिटल्स गी 12एं रंजें कन्नै हराया। राजस्थान रॉयल नै 20एं ओवरें च 185 रंज बनाए। दिल्ली कैपिटल्स शडे 173 रंज गै बनाई सकी। बेंगलुरु दे एम.चिन्ना स्वामी स्टेडियम च रॉयल चैलेजर्स बैंगलोर दा मकाबला कोलकाता नाईट राईडर्स कन्नै होग। मैच संजा साढे 7 बजे शुरू होग।

<><><><><><>